

فيديو #٣٩٣ من مقاطع حذر التجول تدبر سورة يس # ٩ الآيات

٠٧-٣٦

فاضل سليمان

بسم الله بسم الله السلام عليكم ورحمة الله وبركاته. اهلا بحضراتكم في المقطع رقم تلتمية ثلاثة وتسعين من مقاطع حذر التجول والحلقة التاسعة من حلقات تدبر سورة ياسين ارجو تجيب المصاحف ونبدأ مع بعض نقرا اللي تدبرناه امبارح. واللي كان خطاب من الله سبحانه وتعالى للمجرمين عشان بس نمشي - [00:00:01](#)

السياق وبعد كده نكمل ان شاء الله. اقرا معي آآ من الاية تسعة وخمسين للاية اثنين وستين اعوذ بالله السميع العليم من الشيطان الرجيم وامتازوا اليوم ايها المجرمون الم اعهد اليكم يا بني ادم الا تعبدوا الشيطان - [00:00:33](#)
انه لكم عدو مبين. وان اعبدونني هذا صراط مستقيم ولقد اضل منكم جبلا كثيرا. افلم تكونوا تعقلون ونبدأ من هنا بقى تدبر الليلة هذه جهنم التي كنتم بها توعدون هذه جهنم التي كنتم توعدون. اصلوها اليوم بما كنتم تكفرون. طيب. يبقى الخطاب النهاردة -

[00:00:52](#)

النهاردة هنبدأ من اول تدبر من الاية ثلاثة وستين. الخطاب مكمل ربنا بيخاطب المجرمين امبارح اخدنا ان ربنا قال لهم انفصلوا كده تعالوا على جنب وامتازوا اليوم ايها المجرمون. وبعدين لام الناس اللي في ارض المحشر - [00:01:25](#)

خلاصة من المجرمين ان هو ربنا عهد اليهم ان هم لا يعبدوا الشيطان. وانه يحذرهم قبل كده ان هو عدو مبين. وقال لهم ان كان المفروض المفروض ان هم يعبدوا الله بدل من الشيطان ان اعبدونني هذا صراط مستقيم. وان الشيطان بالفعل اضل امم كثيرة جدا منهم. افلا ان - [00:01:41](#)

المتعلقون ما كنتوش بتشغلوا مخكم بعد كل ده النهاردة بيقول لهم هذه جهنم التي كنتم توعدون. جهنم اللي كان الرسل بيحذروكم منها في الدنيا. اهي النار مش مفاجأة هتبقى في الآخرة. لأ. النار دي كلها شبه في الآخرة. سمعوا عنها بقى ايه في الدنيا قبل كده. بل بالعكس يمكن اللي ما سمعش عنها في الدنيا - [00:02:01](#)

هو اللي بيعاد اختباره تاني او بيبقى عنده فرصة اخرى ولكن النار مش مفاجأة في الآخرة هذه جهنم التي كنتم توعدون ما تعملوش نفسكم متفاجئين لانكم سمعتم عنها كتير. لكنكم كذبتم الرسل - [00:02:24](#)

في سورة هود احنا اخدنا ربنا سبحانه وتعالى بيقول ولا تركنوا الى الذين ظلموا فتمسكم النار ففي الدنيا ياما اتقال للمجرمين ان بعد الموت في بعث وان بعد البعث في حساب وان بعد الحساب فيه جزاء. والجزاء يا اما جنة ويا اما نار - [00:02:40](#)

لما حد بقى بيتكلم كده بيسخروا منه لحد النهاردة يسخروا منه يطلعوا يقولوا شف يا عم بيتكلموا ازاى وبينفروا الناس من الدين بنفروا من ايه؟ احنا بنتكلم بنقول بنقول الحقيقة. هي النار دي مش حقيقة؟ يعني لو النار حقيقة وحد بيحذر الناس من الوقوع في النار. يبقى بينفر الناس من الدين - [00:03:00](#)

اهو اتفضلوا طبعاً هو المبالغة في الامر وعدم الكلام في الدين الا بالكلام عن النار وعن العقاب دون الكلام عن اخرى ده غلط ما فيش شك ولكن الناس دي اتحزرت - [00:03:21](#)

اقرا معي ثلاثة وستين واربعة وستين تاني بقى بالفهم ده. هذه جهنم التي كنتم توعدون اصلوها اليوم بما كنتم تكفرون بسبب ان انتم ما صدقتوش وكفرتكم بها في الدنيا ها ربنا بيقول لهم ادخلوها بقى النهاردة في الآخرة - [00:03:37](#)

ممکن حد یقول لی بس الکلام ده مخیف جدا. ایوة ما هو المفروض انه یخوفک فعلا یعنی امال امال هو عشان ایه؟ اکید یعنی لما امبارح یکلمنا عن النار مش عشان یضحکنا اکید عشان یخوفنا فی صورة الرحمن ربنا بیقول ولمن خاف - [00:03:55](#)

ما قام ربه جنتان. فالمفروض ان احنا نخاف على فكرة لما نخاف بيبقى لنا بقى ان شاء الله في الآخرة الامن. ربنا لا یجمع على على انسان امنین ولا خوفین. فاللی یخاف فی الدنيا مش هیخاف فی الآخرة - [00:04:11](#)

المفروض ان علاقتنا بالله ما تكونش كلها قائمة على الخوف. لكن الخوف داخل فیها. یعنی العلاقة بالله یا جماعة لها ثلاث سيناريوهات وركز معي بقى فی الحقة دي ثلاث سيناريوهات للعلاقة بالله - [00:04:27](#)

السيناريو الاول سيناريو الخوف انك تخاف من غضب الله وتخاف من عذاب الله. فتبعد عن الحرام وتعمل العمل الصالح لانك تخاف من عقاب الله السيناريو الثاني سيناريو الرجاء. وانا بحب اسميه سيناريو الطمع - [00:04:45](#)

لانك بتطمع فی بركة الله. وفي نعيم الجنة فتبعد عن الحرام وتعمل للعمل الصالح لانك طامع فی النعيم. طمعان فی النعيم وفي البركة فی الدنيا وفي الآخرة دول السيناريوهین المشهورین - [00:05:05](#)

یا خوف یا رجاء فی سيناريو ثالث وده السيناريو الافضل وهو اللي لازم یكون السيناريو رقم واحد وهو السيناريو الحب انك تبعد عن الحرام وتعمل العمل الصالح لانك تحب الله - [00:05:27](#)

لانك لا تريد ان تغضب من تحب لانك تريد ان ترضي حبيبك الجنة والنار نعمتین من نعم الله لان انا مش عايز حد یروح یقول اه بس یبقى ایه فاضل بيبتدع وعمال یقول علاقتنا بربنا ناس بتقول على الحب ولازم - [00:05:47](#)

ان احنا ما نطمعش فی الجنة ولازم ان احنا ما نخافش من النار وتبقى علاقتنا الحب بس. لا انا ما قلتش كده انا قلت احنا لازم نخاف ولازم نطلع فی الجنة. الاتین یكونوا موجودین. لكن ما ینفعش ان العلاقة تقوم على الحب او اسف تقوم على الخوف والرجاء بس - [00:06:05](#)

نمرة واحد یكون العلاقة قائمة على الحب. شف ربنا بیقول قل ان كنتم تحبون الله. شف حب طالع من عندنا هو فاتبعوني یحبکم الله وحب نازل علینا هو. فالعلاقة علاقة حب فی الاساس - [00:06:22](#)

الجنة والنار فايدتهم فی الدنيا ان هم نعمتین ربنا انعم بهم على المؤمن فی الدنيا. ازاى الايمان بیزید وینقص زی الساین ویف. الجماعة ایه اللي معی على الیوتیوب وعلى الانستجرام والفیسبوك. هیشوفوا الویف دي. اللي هی - [00:06:40](#)

اسمها الساین ویف او آآ الموجة التیار المتردد الايمان بیزید وینقص. یزید وینقص كده اما الايمان یكون فی اعلى نقطة هنا فی اعلى نقطة كده ده معناه ان الانسان فی حالة حب مع الله - [00:06:57](#)

حب شدید جدا. فیعمل كل حاجة حبا فی الله. بيبتعد عن ای حرام حبا فی الله مش طمعا فی الجنة ومش خوفا من النار. لكن الانسان عنده جسم والجسم له طلبات - [00:07:21](#)

والطلبات اسمها شهوات تبدأ الشهوات تضغط على الانسان وتلح علیه فیبدأ بقى التنازل یبدأ ینزل یبدأ الايمان فی النازل لان عنده شهوات ضاغطة علیها بتلح علیه النبی صلی الله علیه وسلم قال للصحابی حنظلة حنظلة الاسیدی - [00:07:39](#)

آآ راح له وقال له لقد نافق حنظلة یا رسول الله. بیقول على نفسه نافق بل وما ذاك لنفقت لیه بس؟ كفاه الله الشر قلت یا رسول الله هو الروی - [00:08:06](#)

نكون عندك یذكرنا بالنار والجنة حتی كأن رأی العین كأننا شایفینهم فاذا خرجنا من عندك عافسنا الازواج والاولاد والضعیات نسینا كثيرا یا سیدنا الرسول احنا بنقی عندك بتذكرنا بالجنة وبالنار بيبقى فی حالة روحانیة عالیة جدا - [00:08:20](#)

عارف انت وانت راجع من العمرة بتبقى عامل ازاى وبعیدین قال له فاذا خرجنا من عندك عافسنا الازواج والاولاد والضعیات. دخلنا بقى فی دوامة الدنيا والزوجة والولاد والطلبات وطلبات البیت والاکل والشرب - [00:08:46](#)

والشغل وجمع الفلوس والعربیة اللي عایزة تتغیر والبیت اللي عایز مش عارف ایه والسباك اللي عایزین نجیبه نسینا كثيرا ده اللي هی الحالة بتاعتك بعد ما ترجع من العمرة بتلت تیام. لما خلاص شویة الروحانیات طاروا - [00:09:02](#)

فقال رسول الله صلى الله عليه وسلم والذي نفسي بيده لو تدومون على ما تكونون عندي وفي الذكر لصافحتكم الملائكة على فروشكم وفي طرقكم ولكن يا حنظلة ساعة وساعة. يعني مش شيء طبيعي ان الانسان يستمر دايمًا في الحالة الايمانية دي. اللي هي

[00:09:17](#) -

في اعلى الكيرف. في اعلى الايه؟ المنحنى بتاع الموج الطراز. مش ده مش شيء طبيعي طبيعي ان الانسان هينزل شوية والا بقى نبقى زي الملائكة الملائكة تمشي تسلم علينا بقى في الطرقات - [00:09:44](#)

فما حدش هيستمر كده الايمان وهو بينزل ويبقى بيوصل للصفر احيانًا وينزل بقى تحت الصفر في ايه المنطقة السلبية. اللي هي منطقة المعاصي. مهم جدا بقى ان الجنة والنار بيؤدوا دورهم فين هنا - [00:09:58](#)

وهو نازل الكرف بيجي الجنة والنار يفكرون يقوم ما يوصلش للصفر وينزل تحت وينطلع ثاني بنسميه احنا في الكهرباء للويف يعني بنعدل الايه الموجة بتاعة الطيارة يبقى الجنة والنار الدنيا نعمتين للمؤمن انهم بيفكروه - [00:10:17](#)

ثاني انه ايمانه ما ينزلش للصفر وما يوصلش لمرحلة المعاصي يقوم بيدأ على طول يعدل نفسه باستمرار ويرفع منيته. آآ نرجع بقى لسورة ياسين هات الاية اربعة وستين. اصلوها اليوم بما كنتم تكفرون. ربنا هيقول لهم ادخلوها - [00:10:38](#)

بقى دلوقتي بدل ما انتم ايه آآ قاعدين كده اتشوا في حر جهنم شوية ده تهكم عليهم ليه ارجع للاية اربعة وخمسين هات الاية اربعة وخمسين ربنا بيقول فالיום لا تظلم نفس شيئا ولا تجزون الا ما كنتم تعملون. الكلام - [00:10:56](#)

للكل ربنا بيكلم الاعلان في اول اليوم في بداية الحساب الاعلام كان للناس كلها مجرمين وصالحين فالיום لا تظلم نفس شيئا ولا تجزون الا ما كنتم تعملون نبدأ بقى بالفريق الفائز - [00:11:18](#)

الفريق الفائز حصل له ايه؟ اقرا معي خمسة وخمسين ان اصحاب الجنة اليوم في شغل فاكهون. هم وازواجهم في ظلال على الارائك متكون. لهم فيها فاكهة ولهم فيها واسف لهم فيها فاكهة ولهم ما يدعون. سلام قولوا من رب رحيم. الفريق الثاني بقى اقرا من تسعة وخمسين - [00:11:37](#)

وامتاز اليوم ايها المجرمون هات لي ثلاثة وستين واربعة وستين هذه جهنم التي كنتم توعدون. اصلوها اليوم بما كنتم تكفرون. يبقى زي ما التانيين قاعدين في ظلال على الارائك متكون حوالهم - [00:12:01](#)

الوان الطعام والشراب والراحة وقاعدين مع اهلهم وازواجهم انتم في المقابل جزاءكم ايه نتشوف نرجع اصلوها اليوم بما كنتم تكفرون ده في المقابل الكلام هنا طبعا للمجرمين اللي ارتكبوا جرائم في الدنيا - [00:12:16](#)

ارجع لي بقى بسرعة للاية تمتناشر هات لي الاية تمتناشر في سورة يوسف. ياسين قالوا للرسل وللدعاة المصلحين ايه هم؟ قالوا للرسل انا قالوا انا تطيرنا بكم احنا بنتشائم منكم - [00:12:35](#)

لان لم تنتهوا لئرجمنكم وليمسنكم منا عذاب اليم هددوا الرسل بالقتل وبالعذاب الليم وبالرجم بالحجارة وبالفعل قتلوا الداعية اللي هو وجاء من اقصى المدينة رجل يسعى قال يا قومي اتبعوا المرسلين قتلوه ربما ربما عذبوه اما من قبله - [00:12:54](#)

ويقال ان هو قتل بنفس الطريقة اللي هددوا بها الانبياء عذب الاول يعني هو ما قالهمش يدعوهم الخير وربنا ادخل اهل الخير الجنة متكنين وقاعدين بقى مبسوطين في الظلال وحواليهم الوان الطعام والشراب - [00:13:17](#)

وهم اللي عذبوا في الآخرة حد يقدر يقول ده زلم ما حدش طبعا ما هو ده الاعلان اللي اتعمل في بداية يوم الحساب الاية اربعة وخمسين الاية اربعة وخمسين. فالיום لا تظلم نفس شيئا - [00:13:42](#)

ولا تجزون الا ما كنتم تعملون عزبتم الدعاة وعزبتم الرسل في الدنيا بتتعبزبوا النهاردة في الآخرة. ما حدش يقدر يعترض على اللي بيحصل دلوقتي خالص وزيادة بقى زيادة في اثبات العدالة الالهية هيشهد على المجرم دلوقتي شهود. مين اللي هيشهدوا عليه؟

[00:14:01](#) - اعضاء

اسمه هات بقى الاية خمسة وستين وخمسة وستين اليوم نختم على افواههم وتكلمنا ايديهم وتشهد ارجلهم بما كانوا يكسبون الناس اللي بتعترض على الكلام ده يعني ايه بس الايديين تتكلم؟ يعني الايديين هيطلع لها بوق ولسان وتتكلم. يا عم النهاردة الايديين بتشهد

على الحرامي بالبصمات ويبدخل السجن - 00:14:24

والدي ان ايه في شوية شعر شوية جلد شوية ضوافر بيشهدوا ان فلان كان هنا او كان هناك وعمل كده او عمل كده وبيأخذ اعدام بالدي ان ايه وبيأخذ سجن بالدين. فالتنهارده يعني انت مستغرب ليه؟ لما ربنا يقول لك ان اعضاء الجسم هتشهد يوم القيامة. اذا كانت تشهد دلوقتي اصلا. يعني ما فيش حاجة غريبة تخليك مستغرب - 00:14:56

طبيعة سيدنا انس ابن مالك بيقول كنا عند رسول الله صلى الله عليه وسلم فضحك وقال هل تدرون مما اضحك؟ قلنا الله ورسوله اعلم. النبي قاعد معه الصحابة فضحك. قال لهم عارفين انا بضحك على ايه - 00:15:17

قالوا له ايه هل من مخاطبة العبد ربه يقول يا ربي الم تجرني من الظلم قال يقول بلى العبد بيقول لربه يوم القيامة يا ربي مش انت قلت لي ان انا لن اظلم - 00:15:36

ربنا يقول طبعاً. اه. مش هتتزلم قال فيقول فاني لا اجيز على نفسي الا شاهدا مني. انا بقى مش هقبل شهادة اي حد يقول علي اي حاجة اي حد ممكن يكون عنده معي مشكلة - 00:15:55

يكون كارهني يكون فيه بينه يكون مسلا كان زملاوي وانا اهلاوي فكارهني. جاري اللي كان كنت باركن قبله وبيجي مش لاقى مكان يركن فهيشهد علي. انا مش قابل ان انا لا اجيز على نفسي الا شاهدا مني - 00:16:11

انا عايز شاهد مني عشان يشهد علي. غير كده انا ما اقبل شهادة اي حد. هو بيحاول يعقدها. قال بيعقدها لربنا ها قال فيقول كفى بنفسك اليوم عليك شهيدا. ممتاز - 00:16:28

انت النهاردة هتشهد على نفسك وبالكرام الكاتبين شهودا. والملائكة مش هاشهد عليك بني ادمين قال فيختم على فيه بوقه يتقفل بقى خلاص انت اتكلمت سيب بقى غيرك يتكلم. فيقال لاركانه انطقي - 00:16:42

يتقال لاطرافه انطقوا قال فتنتطق باعماله قال ثم يخلى بينه وبين الكلام يتشال البتاع من على بقه. اتفضل اتكلم قال فيقول بعدا لكن وسحقا. بيقول لاطرافه بيقول ايديه ورجليه روحوا في ستين داهية بعدا لكن وسحقا فعنكن كنت اناضل ده انا كنت بدافع عنكم - 00:17:01

يعني المجرم القاتل اللي لعب قمار واللي شرب خمره واللي قتل واللي عمل واللي حرق واللي اكل مال يتيم كل ده هيشهد عليه جسده اعضاء جسمه هتشهد عليه اللي عمل بها هذه الجرائم - 00:17:32

مع ان هو بيقول انه كان بيحاول يحميها من الحريق تشهد بالحق والالم هو اللي هيشعر به اقرا ستة وستين وسبعة وستين ولو نشاء لطمسنا على اعينهم فاستبقوا الصراط فاني يبصرون. ولو نشاء لمس - 00:17:48

على مكانتهم فما استطاعوا مضيا ولا يرجعون لو حرف امتناع الامتناع يعني حاجة ما حصلتش عشان حاجة تانية ما حصلتش ولو نشاؤوا يعني ربنا ما شاش لو نشأ يعني هو ما شاش - 00:18:10

لطمسنا على اعينهم. فربنا ما طمصحش على اعينهم عشان هو ما شاقش يطمس على اعينهم. ده معناه ولو نشاؤوا لطمسنا على اعينهم فاستبقوا الصراط فاني يبصرون. دي حاجات ما حصلتش - 00:18:29

يعني ايه بقى ربنا بيقول كان يقدر انه كان ممكن يطمس على اعينهم في الدنيا ويمسحهم في دول بيقوا مسح. هنفهم ده دي كلها. ليه ما حصلش كده لانه لم يشاء ذلك - 00:18:44

طب خلونا نفهم ايه معنى الكلام ده عشان نفهم معنى الكلام ده لازم نربطهم بالاييتين اللي في اول الايه آآ اول الصورة. ارجع لي هات لي من اية خمسة هنقرا من الاية خمسة للاية تسعة في اول السورة عشان نفهم الايتين دول - 00:18:57

تنزيل العزيز الرحيم لتنذر قوما ما انذر اباؤهم فهم غافلون. القرآن ده وحي نازل علشان النبي ينذر به قوم ما جالهمش ولا جه لابائهم انبياء قبل كده سبعة لقد حق القول على اكثرهم فهم لا يؤمنون. معظمهم مش هيؤمنوا. وعشان كده دخولهم النار - 00:19:18

ده هيكون بالحق بالعدل لقد حق القول على اكثرهم خلاص هم استحقوقوا العقوبة دي. اقرا بقى ثمانية وتسعة وافهم العلاقة بينها وبين الايتين آآ اللي احنا كنا بنتكلم عنهم في اول في اخر السورة - 00:19:44

انا جعلنا في اعناقهم اغلالا فهي الى الاذقان فهم مقمحون وجعلنا من بين ايديهم سدا ومن خلفهم سدا فاغشيناهم فهم لا يبصرون
الكبر والغرور اللي كان ماليهم اللي كانوا في اخر سورة فاطر - [00:19:59](#)

ماشي احنا ربطنا بين اول سورة ياسين واخر سورة فاطر والكبر والغرور اللي كان ماليهم هو عبارة عن اغلال يعني اساور حديد في رقابهم في رقابهم وتخينة. فرافعة دقنهم لفوق كده - [00:20:22](#)

وهم مقمحون. قلنا الجمل القامح هو اللي رافع راسه فوق مش عايز يشرب. فهم كأن الرسوم مرفوعة لفوق كده فبقوا مش شايفين قدامهم هو مش عارف يبص قدامه ولا عارف يشوف هو بيحط رجله فين لانه مش عارف يوطي راسه ويبص قدامه - [00:20:39](#)

اذا الكبر والغرور عموهم عن رؤية الحق وشو هوهم في المنز هات بقى ستة وستين وسبعة وستين هات تلتمية سبعة وستين ولو نشاء لطمسنا على اعينهم فاستبقوا الصراط فاني يبصرون لو ربنا شاء كان عماهم في الدنيا عن رؤية الصراط - [00:20:59](#)

ولو نشأوا لمسخرناهم على مكانتهم فما استطاعوا مضيا ولا يرجعون. ولو ربنا شاء كان شوهم مسخرهم. يعني شوهم طريقة تخليهم مش قادرين يتحركوا لقدام ولا ورا. ما اعرفش مرفوعة كده - [00:21:21](#)

لكن ربنا لم يشوهم ولم يعميهم في الدنيا كان ممكن يعملهم على رؤية الحقيقة وما عملش كده وكان ممكن ان هو آآ يشوهم لكن هم بكبرهم وغرورهم شوهم نفسهم وآآ - [00:21:37](#)

عموا نفسهم عن رؤية الحقيقة النهاردة سبحان الله! يعني الضيرر والمكفوف الذي لا يرى بعينه يرى بنور الحق ويرى بنور الله. بينما اللي نظره ستة على ستة من المجرمين دول هو اللي - [00:21:55](#)

عامي نفسه عن رؤية الحق فانها لا تعمى الابصار ولكن تعمى القلوب التي في الصدور ده العمل حقيقي ممكن بقى واحد من المتكبرين دول يقول ايه انا ما حدش يقدر يعميني. ولا حد يقدر يشوهمي - [00:22:11](#)

وما حدش يقدر يشوهمي ويمنعني اني اتحرك واروح واجي. فربنا بيقول له لا لا لا. خلي عندك مخ شغل مخك اقرا تمانية وستين. ومن نعمة ننكسه في الخلق افلا يعقلون! ايه في ايه - [00:22:29](#)

اللي بيكبر في السن وبيعمر بيعمر قلنا يعني بيعدي سن التمانين. مش بتبدأ صحته تتدهور ونظره يضعف مجتمعه يضعف وذاكرته تضعف وايده تضعف ورجله تضعف فيه ايه ؟ افلا يعقلون مش خالة عندهم مخ ولا ايه ؟ مين ده اللي ما يقدرش يعمل لك كده ؟ ده هو ده بيحصل كده كده اصلا - [00:22:43](#)

فده اصلا بيحصل كده كده بس ممكن ربنا يسرعه عندك انت. فاللي بيقدر يضعف الانسان بعد وصوله لقمة قوته ما يقدرش يضعفه هو. يا جماعة شوفوا محمد علي كلاي كان اسطورة الملاكمة اسطورة - [00:23:06](#)

بس شوفوا في اخر عمره كان عامل ازاى لما جا له المرض اللي كان الرعاش اللي اسمه الباركينسون ده وكده اهو خلاص فربنا قادر انه انه انه انه يعمل كده في المجرمين دول - [00:23:22](#)

طالما ان هو بيعمل كده اصلا في الناس لما بتكبر في السن. فالمجرمين دول ما يستبعدوش ما يستبعدوش ده يحصل لهم لما يشوفوا قدرة ربنا ويشوفوا ان ده شئ اصلا ربنا بيعمله كده كده في كبار السن بس هو ممكن يسرعوا شوية عندهم هم - [00:23:39](#)

تسعة وستين تسعة وستين وسبعين تسعة وستين وسبعين معي. وما علمناه الشعر وما ينبغي له ان هو الا ذكر وقرآن مبين لينذر من كان حيا القول على الكافرين. زعماء قريش بدأوا يخططوا لحملة اعلامية - [00:23:55](#)

هتشتغل مرة واحدة مع بعض في كل وسائل الاعلام. يشيعوا فيها ان القرآن ليس الا نوع من انواع الشعر جديد. بس. وان النبي شعر ويبخططوا لايه ؟ للقصة دي اقرا الاية ستة وسبعين. معي ؟ - [00:24:19](#)

نروح لسته وسبعين في سورة ياسين فلا يحزنك قولهم انا نعلم ما يسرون وما يعلنون. ربنا بيضمن النبي وبيقول له ما تزعلش انا انا عالم وعالم بكل حاجة بيعملوها وبالمخطط الاعلامي اللي بيخططوه - [00:24:35](#)

وساجهزه وفعلنا ربنا اجهده ونزلت الاية تجهز الرأي العام لرفض الاشاعة اللي هتطلع ان القرآن ده بعد ما الخبراء بتوع الشعر شافوه قررنا ان هو يعني لون جديد من الوان الشعر - [00:24:54](#)

معي تسعة وستين الاية دي نزلت عملت فرشاة جهزت الرأي العام وما علمناه الشعر عمركم سمعتوه بيقول شعر؟ ما حصلش فاكيد

يعني مش مرة واحدة واحد يقعد اربعين سنة ما قالش بيت شعر واحد - [00:25:10](#)

مرة واحدة هياألف كلام عبقرى وما علمناه الشعر. حد معترض وما ينبغي له وهو ما ينفعش يقول شعر. لا يليق به وهو نبى انه يقول

شعر طيب لو هو مش شعر. امال هو ايه - [00:25:29](#)

كمل الاية ان هو الا ذكر وقرآن مبين. هو ذكر الله وقرآن قرآن يعني كلام مقروء عشان كده احنا في الترجمة بتاعة مؤسسة جسور

ترجمنا قرآن ريسايتل يعني كلام بيقرا - [00:25:45](#)

الهدف من هذا القرآن المبين الكلام اللي بيتلى على الناس دوا ايه؟ الهدف منه ايه؟ اقرا الاية سبعين لينذر من كان حيا ويحق القول

على الكافرين عشان ينذره اللي كان حي. يعني ايه لمن كان حيا يعني - [00:26:03](#)

ايه معناها؟ ما اكيد النبى مش هيروح على المقابر ينذر الموتى يعني. ما طبعا هينذر الاحياء حيا هنا مش مقصود بها الانسان اللي فيه

روحه وبيتنفس لأ عاوز تفهمها؟ ارجع معي تاني الاول الصورة - [00:26:19](#)

واقرا معي الاية عشرة والاية حذاشر معلش تعبتكم النهاردة بس انا ما بوديكوش صور بعيدة النهاردة امبارح ودتكم الاعراف ورجعنا

ورجعتكم الاعراف. النهاردة احنا جوة كسور جوة سورة ياسين يعني - [00:26:34](#)

هات لي الاية عشرة واية حذاشر كده بيقول في مين؟ وسواء عليهم. انذرتهم ام لم تنذرهم لا يؤمنون. انما تنذر. ركز بقى من اتبع

الذكر وخشي الرحمن بالغيب يبقى انما تنذر من اتبع الذكر وخشي الرحمن بالغيب. هو ده بقى الحي بتاع الاية سبعين. هات لي الاية

سبعين لينذر من كان - [00:26:45](#)

كان حيا انما تنذر من اتبع الذكر وخشي الرحمن بالغاية. الرحمن بالغيب. اللي هو ده الحي. الحي هو اللي بيتبع الذكر. اللي هو قلبه

حي قلبه حي. قلبه بيتفاعل مع الحق - [00:27:12](#)

لينذرية رفع الاية السبعين بقى لينذر من كان حيا ويحق القول على الكافرين الكفيل هم بقى دول اموات. دول دول اللي قلبهم ميت

طيب دول اللي هم سواء عليهم انذرتهم ام لم تنذرهم لا يؤمنون. قبل ما نقلل النهاردة عاوز اوضح حاجة في الاية تسعة وستين.

عشان بس الناس ما تفهمش ايه غلط - [00:27:28](#)

وما علمناه الشعر وما ينبغي له في ناس اخدت التعبير ده على ان القرآن يبذم الشعر مع ان النبى صلى الله عليه وسلم كان عنده

شعراؤه في سورة اسمها سورة الشعراء - [00:27:53](#)

سورة الشعراء دي انا ارى انها لو كانت نزلت في القرن العشرين والقرن الواحد والعشرين كان ممكن يكون اسمها صورة الصحفيين ان

الشعراء في الوقت ده كانوا هم الصحفيين بتوع الوقت ده - [00:28:09](#)

النبى صلى الله عليه وسلم كان عنده شعراؤه اللي بيدافعوا عن الاسلام بشعرهم في مواجهة الشعر الكافر كان في صحافة كافرة

وصحافة مؤمنة بتدافع عن الاسلام الشعر حلاله حلال وحرامه حرام - [00:28:23](#)

بل ممكن واحد يقول شعر يدخل بسببه النار. وواحد يقول شعر يدخل بسببه الجنة النبى صلى الله عليه وسلم كان عنده شعراء كان

عنده حسان ابن ثابت اللي هو بيسمى شاعر الرسول كان عنده عبدالله بن رواحة. كان عنده كعب بن مالك. كل دول شعراء من كانوا

شعراء النبى. وكانوا يبواجهوا الهجوم بتاع الشعراء - [00:28:43](#)

فالنبى قال لحسان ابن ثابت اهجهم وروح القدس معك. يعني انت مؤيد من الله. قل اعمل اعمل شعر وقل شعر فيهم طيب سؤال بقى

امال ليه نبرة الفخر دي ان النبى ما كانش بيعرف شعر - [00:29:06](#)

لو الشعر حاجة كويسة ليه ربنا يقول وما علمناه الشعر وما ينبغي له انت بتقولى لي دلوقتى ان الشعر ممكن يكون حاجة كويسة طب

احنا حاسين بنبرة وكأن دي فيها ادانة للشعر - [00:29:24](#)

لا بصوا يا جماعة ازاي بالزبط ان احنا بنفخر بان النبى صلى الله عليه وسلم كان اميا لا يقرأ ولا يكتب. هي دي حاجة الواحد يفخر بها

الامية تعتبر منقصة - [00:29:38](#)

نقص في اي انسان الا رسول الله صلى الله عليه وسلم النبي بالزات الامية دليل انه صادق. وان القرآن من عند الله وانه لا يمكن يكون علمه وبشر انه ما بيقراش ويكتب اصلا هنتعلم من بشر ازاى؟ ما هوش البشر ده مش هيدي له كتاب ولا يتكتب له في كراسة؟ لأ. ازا الامية كمال - [00:29:51](#)

في حق النبي صلى الله عليه وسلم فقط لكن هي في حد ذاتها ما هياش كمال. هي هي منقصة. عشان كده النبي عليه الصلاة والسلام كان جايب مدرسة خصوصية آآ بعض امهات المؤمنين - [00:30:17](#)
من القراءة والكتابة للي مش متعلمة القراءة والكتابة عشان يزيل الامية منهم. انما في حالته هو هي دليل ان الذي يوحى اليه ويوحى من الله وليس من نفسه. كذلك نفس الكلام - [00:30:31](#)

هو ما يعرفش شعره وما قالش شعر فده دليل على الهية المصدر بتاع القرآن الكريم. لان القرآن مصدره الهي وليس بشري ولا هو الشعر اصلا. كونه ما يعرفش الشعر نتوقف هنا الليلة. اللهم انا نسألك حبك وحب من يحبك وحب كل عمل يقربنا الى حبك -

[00:30:44](#)

اللهم ما رزقتنا ما نحب فاجعله قوة لنا فيما تحب وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا ومن الماء البارد على الظمأ - [00:31:05](#)

اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك ورسلك وانبيائك وعبادك الصالحين اللهم احبي قلوبنا بحبك واجعلنا لك كما تحب اللهم اجعلنا نحبك بكل قلوبنا - [00:31:23](#)

ونرضيك بكل اجسادنا اللهم اجعل حبا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا -

[00:31:47](#)

اللهم بحق كل حرف في كتابك تلوناه او تدبرناه اكفنا واهلينا شر كل من يكيد لنا ولهم واحفظنا واياهم من شرورهم ونجعلك اللهم في نحورهم فانت الوكيل ولا حول ولا قوة الا بك - [00:32:18](#)

اللهم من قضى منا بالوباء المنتشر فاكتبها له شهادة ومن كان منا او من احبابنا او من اخواننا او من اخواتنا مريضا به او حاملا له فالبسبه ثوب الصحة والعافية عاجلا غير اجل - [00:32:38](#)

ومن لم يصب به فقهه شره. وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعت على كتابك وعلى محبتك والتقت يا ربنا على طاعتك - [00:32:55](#)

وتوحدت على دعوتك وتعاهدت على نصره شريعتك. فوثق اللهم رابطتها. وادم ودها. واهدها سبيلها واملاها بنورك الذي لا يخبو. واشرح صدورنا بفيض الايمان بك وجميل التوكل عليك واحيها يا ربنا بمعرفتك وامتها على الشهادة في سبيلك - [00:33:14](#)

انك نعم المولى ونعم النصير. والسلام عليكم ورحمة الله وبركاته ونراكم غدا باذن الله في نفس الموعد ان كنا من اهل الدنيا -

[00:33:37](#)